

**Қазақстан Республикасының заңдарын Қазақстан Республикасы Президентінің қол қоюына және қарауына ұсыну, оларды тіркеу, жария ету және сақтау тәртібі туралы ережені бекіту туралы**

Қазақстан Республикасы Президентінің 1996 жылғы 2 шілдедегі N 3051 Жарлығы.

**ҚАУЛЫ ЕТЕМІН:**

1. Қазақстан Республикасының заңдарын Қазақстан Республикасы Президентінің қол қоюына және қарауына ұсыну, оларды тіркеу, жария ету және сақтау тәртібі туралы ереже (қоса беріліп отыр) бекітілсін.

2. Осы Жарлық қол ойылған күнінен бастап күшіне енеді.

*Қазақстан Республикасының  
Президенті*

Қазақстан Республикасы  
Президентінің  
1996 жылғы 2 шілдедегі  
№ 3051 Жарлығымен  
бекітілген

**Ескерту. Мәтін бойынша "Заң және құқықтық сараптама мәселелері жөніндегі" деген сөздер "Заңнама және құқықтық сараптау" деген сөздермен ауыстырылды - Қазақстан Республикасы Президентінің 2007.09.21. № 413 Жарлығымен.**

**Қазақстан Республикасының заңдрын Қазақстан Республикасы Президентінің қол қоюына және қарауына ұсыну, оларды тіркеу, жария ету және сақтау тәртібі туралы ЕРЕЖЕ**

1. Парламент қабылдаған, Парламент Палатасы (палаталары) Төрағасының (төрағаларының) және Премьер-Министрдің алдын ала қойылған қолдарымен тиянақталған Қазақстан Республикасының Заңы қазақ және орыс тілдерінде Парламент Палатасының тиісті Төрағасы қол қойған ілеспе хатпен бірге Қазақстан Республикасы Президентінің қол қоюына енгізіледі. Егер заңмен халықаралық шарт ратификацияланатын болса, онда заңмен бірге осы шарттың куәландырылған көшірмелері қоса беріледі.

**Ескерту. 1-тармақ жаңа редакцияда – ҚР Президентінің 15.02.2023 № 127 (алғашқы ресми жарияланған күнінен бастап қолданысқа енгізіледі) Жарлығымен.**

2. Қол қоюға түскен заңды Қазақстан Республикасы Президенті Әкімшілігінің Жалпы бөлім заңға қол қою немесе онымен келіспейтінін білдіріп, Парламент Мәжілісіне қайтару жөніндегі ұсынысы бар қорытынды әзірлеу үшін Мемлекеттік құқық бөліміне жібереді. Заңның көшірмелерін де Жалпы бөлім Президент Әкімшілігінің тиісті құрылымдық бөлімшелеріне жолдайды.

Ескерту. 2-тармаққа өзгерту енгізілді – ҚР Президентінің 2007.09.21 № 413 , 24.04.2008 № 576, 12.11.2008 № 689 Жарлықтарымен.

3. Президент Әкімшілігінің Мемлекеттік құқық бөлімі Мемлекет басшысы көмекшілерінің, кеңесшілерінің, Президенттің Парламенттегі өкілдігі басшысының, сондай-ақ Президент Әкімшілігі тиісті құрылымдық бөлімшелерінің ұсыныстарын ескере отырып, заң қол қоюға түскен күннен бастап он жұмыс күнінен аспайтын мерзімде қорытынды әзірлеп, оны заң мәтіндерінің түпнұсқаларымен бірге Президент кеңсесіне табыстайды.

Ескерту. 3-тармаққа өзгерту енгізілді – ҚР Президентінің 21.09.2007 № 413; 24.04.2008 № 576 Жарлықтарымен.

4. Президенттің кеңсесі қорытындыларымен бірге заңды Президент Әкімшілігінің Басшысына табыстайды, ол қол қоюға ұсынылған заң және ол бойынша жасалған қорытындылар туралы Мемлекет басшысына баяндайды.

4-1. Республика Президенті Парламент ұсынған заңға бір ай ішінде қол қояды, заңды халыққа жария етеді не заңды немесе оның жекелеген баптарын қайтадан талқылап, дауысқа салу үшін қайтарады.

Ескерту. 4-1-тармақпен толықтырылды – ҚР Президентінің 21.09.2007 № 413; жаңа редакцияда – ҚР Президентінің 15.02.2023 № 127 (алғашқы ресми жарияланған күнінен бастап қолданысқа енгізіледі) Жарлықтарымен.

5. Мемлекет басшысы қол қойған заңды Президенттің кеңсесі Президент Әкімшілігінің Жалпы бөліміне береді, ол:

1) заңға реттік нөмір береді. Бұл орайда нөмірлеу тиісінше сайланған Парламент қызметі кезеңіне жүргізіледі - ол араб цифрларымен, сайлану реті - рим цифрларымен (сызықша арқылы) белгіленеді, ал бұдан кейін ҚРЗ (Қазақстан Республикасының Заңы) бас әріптер қойылады;

2) заңды арнаулы журналға қол қойылған күнін, реттік нөмірі мен Парламент сайлауын көрсете отырып, тіркейді;

3) тиісті елтаңбалық мөрмен куәландырылған заң көшірмесін тиісті бұқаралық ақпарат құралдарына жариялауға береді;

4) Парламенттің Сенаты мен Мәжілісіне заңның тиісті елтаңбалық мөрмен куәландырылған екі данасын береді, ал Сенат пен Мәжіліс аппараттары белгіленген тәртіппен өз тарапында:

"Парламент Жаршысында" жариялау және Сенатта заңды талқылау процесінде түзелетін алғашқы материалдармен іске қосып тіркеу;

мүдделі органдар мен ұйымдарға тарату, Мәжілісте заңды талқылау процесінде түзелетін алғашқы материалдармен іске қосып тіркеу мәселелерін шешеді.

Ескерту. 5-тармаққа өзгерту енгізілді – ҚР Президентінің 24.04.2008 № 576, 12.11.2008 № 689 Жарлықтарымен.

6. Мемлекет басшысы қол қойған заңдардың түпнұсқалары Президент Әкімшілігінің Жалпы бөлімінде сақталады және белгіленген мерзім өткеннен кейін Қазақстан Республикасы Президентінің Архивіне тұрақты сақтауға беріледі.

Қазақстан Республикасы Әкімшілігінің Құжаттамалық қамтамасыз ету бөлімінде елтаңбалық мөрмен куәландырылған заңдардың көшірмелері талқылау мен қабылдау барысында түзілген басқа материалдармен бірге белгіленген тәртіппен тиісінше Парламент Сенаты мен Мәжілісінде істерге хатталады және Қазақстан Республикасы Орталық мемлекеттік архивіне тұрақты сақтауға тапсырылады.

**Ескерту. 6-тармаққа өзгерту енгізілді – ҚР Президентінің 24.04.2008 № 576, 12.11.2008 № 689 Жарлықтарымен.**

7. Қол қойылмаған заң Парламенттің Мәжілісіне қайтарылған жағдайда оны қайталап талқылау және дауыс беру үшін Мемлекет басшысы өзінің заңға тұтастай немесе оның жекелеген баптарына (ережелеріне) келіспеушіліктерде тұтастай заңның немесе оның жекелеген баптарының (қағидаларының) редакциясы берілуі мүмкін.

8. Қазақстан Республикасының Президенті Парламентте қарсылықтарды қарау барысында Парламент депутаттарының ұсыныстарын ескере отырып, заңның немесе оның жекелеген баптарының (ережелерінің) нақтыланған редакциясын енгізуге құқылы. Заңның немесе оның жекелеген баптарының (ережелерінің) редакциясын нақтылау қажеттігі туралы ұсынысты Мемлекет басшысының қарауына Президент Әкімшілігі береді.

**Ескерту. 8-тармақ жаңа редакцияда – ҚР Президентінің 15.02.2023 № 127 (алғашқы ресми жарияланған күнінен бастап қолданысқа енгізіледі) Жарлығымен.**

9. Мемлекет басшысының келіспеушіліктері Парламентте талқыланған кезде Республика Президентінің айқындамасын Президент Әкімшілігі Мемлекеттік құқық бөлімінің меңгерушісі, Президенттің Парламенттегі өкілдігінің басшысы немесе ол уәкілдік берген өзге лауазымды адамдар білдіреді.

**Ескерту. 9-тармаққа өзгерту енгізілді – ҚР Президентінің 21.09.2007 № 413, 24.04.2008 № 576 Жарлықтарымен.**